

Sanashon ta ora e **siegunan ta mira**, e **lamnan ta kana**, e **leprosonan ta wòrdu hasí limpi**, e **surdunan ta tende**, e **mortonan ta wòrdu lantá** i na e **pobernan** e **Evangelio** ta wòrdu **Prediká (Mateo 11:5)**.

Ma awor fuera di **Lei**, e **Hustisia** di **Dios** a wòrdu manifestá, di kual **e Lei i e Profetanan** ta **testiguá** di dje, esta, e **Hustisia** di **Dios** pa medio di **Fe** den **Hesus Kristu** pa tur esnan **ku ta Kere**; pasobra no tin distinsjon; pasobra **tur a peka** i ta falta e **Gloria** di **Dios (Romanonan 3:21-23)**.

Sanashon ta bini di **Dios Tata** i **Dios Tata** ta **Spiritu**, loke ta nifiká ku **Sanashon** ta **Spiritual**. Awor si un hende kièr **Sanshon**, e hende aki mester **Kere** den **Dios Tata**, e hende mester tin **Fe** den **Kristu Hesus**, e hende aki mester buska un **Relashon** ku **Señor** i **Pordoná** su ruman ku a **peka** kontra dje. Ta dor di e **Hustisia** di **Dios Tata** tin **Sanashon** i **e Lei i e Profetanan** ta **testiguá** di e esaki. Ta pa e motibu aki ora Felipe a haña Natanael ela bis'é: "Nos a haña **Esun** di **Kende** Moisés a **skirbi** den **e Lei** i di **Kende** e **Profetanan** tambe a **skirbi**, **Hesus** di Nazarèt, yu di Jose." (**Juan 1:45**).

Esaki ta nifiká ku **Hesus** ta **skirbi** den e bukinan di **e Lei; Génesis, Éksodo, Levítiko, Numbernan, Deuteronomio**. Esaki ta nifiká ku **Hesus** ta **skirbi** den e bukinan di **e Profetanan**; ku ta parti di e **Tanach (Tèstamènt bieu)**. Pero ora abo lesa den **Tèstamènt bieu**, abo no ta mira spesífikamente **Hesus** **skirbi**. Esaki ta e **Abundansia** ku **Dios Tata** a duna nos. Tin **Shete** nivelnan di e **Palabra; nos Beibel**.

1. **Les** e **Palabra (2 Timoteo 3:16)**
2. **Studia** e **Palabra (2 Timoteo 2:15)**
3. **Meditá** riba e **Palabra (Hosue 1:8)**
4. **Mira Kristu Hesus** den e **Palabra (Génesis 1:26)**
5. **Rekonosé** e **Israelita** den e **Palabra (Deuteronomio 14:2)**
6. **Permanesé** kontinuamente den e **Palabra (Salmo 27:4)**
7. **Adorá i Alabá** kompletamente den e **Palabra (2 Krónika 7:3)**

Ta ora abo bai **Les, Studia i Meditá** e **Palabra**, abo lo yega e nivel 4, ku ta enserá **Mira Kristu Hesus** den e **Palabra**. **Kristu Hesus** ta e **Israelita, Esun Ungi (Isaias 61:1-2)** i ta mara na e historia **Hebreo**, ku ta un parti grandi di **nos** pasado. Den **Génesis 1:26-27** tin **skirbi**: "Laga **Nos** traha hende segun **Nos imágen**, konforme **Nos semehansa**...segun e imágen di **Dios El** a krea hende; **hòmber i muhé** El a krea nan. For di e versíkulonan aki nos por komprendé ku **Dios Tata i Kristu Hesus** ta **ún** i tambe nos por **Mira** ku **Kristu Hesus** ta **Spiritu**. Pasobra e **hòmber i muhé** ta físikamente diferente, pero nan wòrdu traha segun e **imágen i semehansa** di **Dios Tata i Kristu Hesus**.

Asina aki tambe e **Tabernakel** di den **e Lei i e Profetanan** ta **testiguá i revelá Kristu Hesus**. E **Hudiunan, Hebreonan** tabata yama e tres paseonan di e **Tabernakel**; e **Kaminda**, i e **Bèrdat**, i e **Bida**. Ta pa e motibu aki **Kristu Hesus** a bisa: "**Ami** ta e **Kaminda**, i e **Bèrdat**, i e **Bida**; ni un hende no ta bin serka e **Tata**, sino pa medio di **Ami (Juan 14:6)**."

3 novèmber 2017
Sea Bendishoná den e Amor di Yeshua Mesias
Rev. Remsly L Riley